

Broj: 03-04-1135-26/2023
Sarajevo, 03.11.2023 .godine

Bosna i Hercegovina
Federacija Bosne i Hercegovine
**PARLAMENT FEDERACIJE
SARAJEVO**

PARLAMENT FEDERACIJE BOSNE I HERCEGOVINE

Org. jed.	Broj	Priloga	Vrijednost
05/1	- 02 -	349	23

Predstavnički dom
gosp. Aner Žuljević, poslanik ✓
gosp. Ivan Miličević, sekretar

Predmet: Odgovor na poslaničko pitanje

Poštovani,

U skladu sa odredbama člana 75. Poslovnika o radu Vlade Federacije Bosne i Hercegovine - Prečišćeni tekst ("Službene novine Federacije BiH", br. 6/10, 37/10, 62/10 i 39/20), a u vezi sa članom 116. Poslovnika Predstavničkog doma Parlamenta Federacije Bosne i Hercegovine ("Službene novine Federacije BiH", br. 69/07, 2/08 i 26/20), u prilogu Vam dostavljam akt Federalnog ministarstva okoliša i turizma, broj: 05/2-19-5-698/23 od 24.10.2023. godine, koji sadrži odgovor na poslaničko pitanje, koje je, na 5. redovnoj sjednici Predstavničkog doma Parlamenta Federacije Bosne i Hercegovine, održanoj 27.09.2023. godine, postavio poslanik Aner Žuljević.

S poštovanjem,


SEKRETAR VLADE
dr. sci. Edita Kalajdžić

Prilog: kao u tekstu

Bosna i Hercegovina
Federacija Bosne i Hercegovine
FEDERALNO MINISTARSTVO
OKOLIŠA I TURIZMA

Bosnia and Herzegovina*
Federation of Bosnia and Herzegovina
FEDERAL MINISTRY OF
ENVIRONMENT AND TOURISM

Broj: 05/2-19-5-698/23
Sarajevo, 24.10.2023. godine

BOSNA I HERCEGOVINA
FEDERACIJA BOSNE I HERCEGOVINE
Generalni sekretarijat Vlade Federacije BiH
Hamdije Čemerlića 2
71 000 Sarajevo

BOSNA I HERCEGOVINA
FEDERACIJA BOSNE I HERCEGOVINE
V L A D A
Sarajevo

PRIMLJENO: 03.11.2023			
Organizaciona jedinica	Klasifikaciona oznaka	Redni broj	Broj priloga
03-04-1135-26/2023			

PREDMET: Odgovor na zastupničko pitanje, zastupnika Aner Žuljević,
d o s t a v l j a.-

VEZA: Vaš akt broj: 03-04-1135-26/23 od 05.10.2023. godine

Poštovani, u vezi Vašeg akta, broj i datum kao u vezi, obavještavamo o slijedećem:

Odgovor na zastupničko pitanje zastupnika Aner Žuljević, zastupnika u Zastupničkom Domu Parlamenta Federacije BiH

S poštovanjem

PRILOG:

- Odgovor na zastupničko pitanje,
- Rješenje o Vodnoj suglasnosti broj:UP/40-1/25-3-159/15 od 23.12.2015. godine,
- Kopija izmjene idejnog projekta,
- Kopija stranice 56, RD Uborak - Studije utjecaja na okoliš,
- Kopija izmjene idejnog projekta,RD Uborak-faze odlaganja otpada

Dostaviti:
- Naslovu,
- a/a



Odgovori na zastupničko pitanje zastupnika Anera Žuljevića:

Zastupničko pitanje Anera Žuljevića zastupnika u Zastupničkom Domu Parlamenta Federacije BiH:

1. **Pitanje:** Da li je Federalno ministarstvo okoliša i turizma upoznato da je u okviru procesa izdavanja okolinske dozvole koja je vezana za proširenje deponije Uborak broj: UPI 05/2-23-11-201/19 od 16. 01. 2023. godine došlo do nezakonitih aktivnosti gdje je kroz tri čestice k.č. 2124, k.č. 1996 i k.č. 1997 427 hiljada kvadratnih obuhvaćena državna imovina u okviru kasarne Miralem Jugo u Mostaru. Kako je jasno da se radi o nezakonitom obuhvatu državne imovine u okviru proširenja Deponije tražim da se bez odlaganja izvrši revizija predmetnog rješenja te isto stavi van snage.

Odgovor: Rješenjem Broj : UP I 05/2-23-11-201/19-1 SM od 16.01.2023. godine kojim se izdaje okolišna dozvola investitoru JP Deponija d.o.o. za organiziranje procesa rada na regionalnoj deponiji krutog komunalnog otpada na lokalitetu Uborak Buđevci, Gornji Vrapčići, Grad Mostar, obuhvaćene su pored ostalih i parcele k.č. br. 2124,1996.1997 KO Kutli Livač jer se na dijelu navedenih parcela uz rub stare deponije Uborak nalazi krak povremenog potoka Sušica koji zatim ide između isotčnog dijela nove deponije i stare deponije i spaja se sa drugim krakom potoka koji ide južnim rubom stare i dijela nove deponije.

Prema Rješenju o Vodnoj suglasnosti na projektnu dokumentaciju za izgradnju složene građevine regionalne deponije krutog komunalnog otpada na lokalitetu Uborak Buđevci, Broj :UP/40-1/25-3-159/15 od 23.12.2015. godine na dijelu navedenih parcela izgrađeno je ulazno okno i potok je reguliran zacjevljenjem uz sve ostale potrebne dozvole. Priložena je skica trase regulacije potoka Sušica.

Proširenje JP Deponije nikada nije bilo planirano na tim parcelama što je vidljivo iz priložene skice i izvoda iz Izmjene Idejnog projekta Regionalne deponije komunalnog otpada Uborak Buđevci u Mostaru broj: 8877/22.



Broj: UP/40-1/25-3-159/15
Mostar, 23.12.2015.g.

Agencija za vodno područje Jadranskog mora Mostar, rješavajući po zahtjevu podnesenom od strane Grada Mostara, za izdavanje vodne suglasnosti na projektnu dokumentaciju za izgradnju regionalne deponije krutog otpada u Mostaru, na temelju članka 139. stavak 1. Zakona o vodama („Sl.novine FBiH“ broj:70/06) i članka 200. stavak 1. Zakona o upravnom postupku („Sl.novine FBiH“ broj:2/98, 48/99), *izdaje*

RJEŠENJE

1. Daje se Vodna suglasnost na projektnu dokumentaciju za izgradnju dijela objekta složene građevine – Regionalne deponije krutog otpada u Mostaru, koji se planira graditi na zemljištu označenom kao k.č. 689/141, 689/139 (696/1, 698/3, 699/3, 706,705,700/3,702/3,703/3,2970/2,707/1) K.O. Vrapčići, Grad Mostar, i to na projektnu dokumentaciju za izgradnju Faze I : “IZMJENA I DOPUNA GLAVNOG PROJEKTA ODLAGALIŠTA ČVRSTOG OTPADA “UBORAK” MOSTAR”, koju čini sljedeća dokumentacija:
Izmjena i dopuna Glavnog projekta odlagališta čvrstog otpada “Uborak” Mostar,
 - Knjiga 5 – Upravna zgrada,
 - Knjiga 6A – Tijelo deponije,
 - Knjiga 6C – Hidrantska mreža,
 - Knjiga 7 – Objekat za reciklažu – Elektroinstalacije,
 - Knjiga 7A – Objekat za reciklažu – Arhitektura,
 - Knjiga 7B – Objekat za reciklažu – Konstrukcija,
 - Knjiga 7C – Objekat za reciklažu – Hidrotehnika,
 - Knjiga 8D – Objekat administracije, portirnica, radionica, mokri čvor, kućica za dezinfekciju, nadstrešnica i mobilna naftna pumpa, kućica uz vagu sa nadstrešnicom – Elektroinstalacije,izradio: „IPSA Institut“ d.o.o. Sarajevo, bez oznake, oktobar 2012.g., broj ugovora: 7637/12.
2. Projektna dokumentacija navedena u točki 1. ovog rješenja čini sastavni dio ovog rješenja, ista je ovjerena u skladu sa odredbama članka 114. stavak 3. Zakona o vodama i vraća se na čuvanje investitoru.
3. Investitor je dužan predmetni objekt izgraditi u skladu sa projektnom dokumentacijom navedenom u točki 1. ovog rješenja, te uz sljedeće uvjete:
 - 3.1. Bilo kakvo ispuštanje procjednih otpadnih voda u okoliš, tokom izgradnje i eksploatacije predmetnog objekta, je zabranjeno.
4. Investitor je dužan, po završetku izgradnje objekta Regionalne deponije krutog otpada u Mostaru, a prije njegovog puštanja u rad, pribaviti vodnu dozvolu. Vodnu dozvolu je potrebno ishoditi za predmetni objekt izgrađen u cijelosti ili za pojedine objekte koji čine funkcionalnu cjelinu
5. Uz zahtjev za izdavanje vodne dozvole priložiti program monitoringa procjednih voda, površinskih voda i podzemnih voda.
6. Ova vodna suglasnost prestaje važiti istekom roka od dvije godine od dana njenog izdavanja ukoliko do tog dana nije pribavljeno odobrenje za gradnju i nisu započeti radovi.
7. Troškovi postupka izdavanja ove vodne dozvole određiće se posebnim zaključkom.

Obrazloženje

Dana 11.12.2015. g., Agenciji za vodno područje Jadranskog mora Mostar, od strane Grada Mostara, ID broj 4227396110007, dostavljen je zahtjev za izdavanje vodne suglasnosti na projektnu dokumentaciju za izgradnju objekta "Regionalnog odlagališta čvrstog otpada Ubora-Buđevci, Vrapčići-Mostar, broj 02-25-14927/15 od 07.12.2015.g.

Uz zahtjev je dostavljena sljedeća dokumentacija:

- Kopija Prethodne vodne suglasnosti br. UP/40-1/25-2-31/13 od 18.03.2013. g. ("AVP Jadransko more"),
- Kopija Rješenja o izdavanju okolinke dozvole broj UP I 05/2-23-11-47-2/14 SN od 17.09.2014.g. (Federalno ministarstvo okoliša i turizma),
- Kopija Uvjerenja o poreznoj registraciji od 19.03.2004.g. (Porezna uprava FBiH, Kantonalni ured Mostar),
- Kopija uplatnice upravne pristojbe,
- **Izmjena i dopuna Glavnog projekta odlagališta čvrstog otpada Ubora - Mostar**, a koja se sastoji od:
 1. **Knjiga 1** - Opšti dio;
 2. **Knjiga 2** - Regulacija vodotoka Sušica od km 0+000 - 1+599,07;
 3. **Knjiga 3** - Regulacija vodotoka Sušica od km 1+599,07 - 2+656,28, Izmještanje vodotoka Sušica;
 4. **Knjiga 4A** - Ulazno-izlazna zona - Arhitektura;
 5. **Knjiga 4B** - Ulazno-izlazna zona - Saobraćaj;
 6. **Knjiga 4C** - Ulazno-izlazna zona - Vodovod i kanalizacija;
 7. **Knjiga 5** - Upravna zgrada;
 8. **Knjiga 6A** - Tijelo deponije;
 9. **Knjiga 6B** - Tretman filtrata;
 10. **Knjiga 6C** - Hidrantska mreža;
 11. **Knjiga 7** - Objekat za reciklažu - Elektroinstalacije;
 12. **Knjiga 7A** - Objekat za reciklažu - Arhitektura;
 13. **Knjiga 7B** - Objekat za reciklažu - Konstrukcija;
 14. **Knjiga 7C** - Objekat za reciklažu - Hidrotehnika;
 15. **Knjiga 8A** - Izmještanje dalekovoda DV 10 kV Institut - Predionica na lokalitetu gradske komunalne deponije Ubora u Mostaru;
 16. **Knjiga 8B** - Limeno montažna transformatorska stanica LMTS 1 (20)/0,4 kV Ubora III - Mostar;
 17. **Knjiga 8C** - Niskonaponski razvod i vanjska rasvjeta odlagališta čvrstog otpada Ubora;
 18. **Knjiga 8D** - Objekat administracije, portirniča, radionica, mokri čvor, kućica za dezinfekciju, nadstrešnica i mobilna naftna pumpa, kućica uz vagu sa nadstrešnicom - Elektroinstalacije;

sve izrađeno od strane „IPSA Institut“ d.o.o. Sarajevo, bez oznake, oktobar 2012.g., broj ugovora: 7637/12),

- Geotehnički elaborat i geotehnički projekt - Misija G21 (Izradio: „ZAGREBINSPEKT“ d.o.o. Mostar, broj:01-15-134-VI/14, lipanj 2014. godine);
- Revizija Geotehničkog elaborata i geotehničkog projekta - Misija G 23 (Izradio: „Winner projekt“ d.o.o. Sarajevo, 15.juli 2014. godine);
- Projekt zaštite od požara (Izradio: „Tehnozaštita“ d.o.o. Mostar, broj: 116/14, lipanj 2014 godine);
- Revizija Glavnog projekta zaštite od požara (Izradio: „ZAGREBINSPEKT“ d.o.o. Mostar, broj:116/14, srpanj 2014 godine);
- Izvještaj o kontroli tehničke dokumentacije (Izradio: „Projekt“ a.d. Banja Luka, broj:2457/12, od 19.11.2012 godine).

Uvidom u dostavljeni zahtjev i njemu priloženu dokumentaciju utvrđeno je da je uz zahtjev dostavljena dokumentacija propisana odredbama Pravilnika o sadržaju, obliku, uvjetima i načinu izdavanja i čuvanja vodnih akata („Sl. novine FBiH“ broj: 31/15), kao i da je za predmetnu aktivnost, od strane ovoga organa, doneseno Rješenje o prethodnoj vodnoj suglasnosti br. UP/40-1/25-2-31/13 od 18.03.2013. g. Kako je utvrđeno odredbama članka 114. Zakona o vodama („Službene novine FBiH“, br. 70/06) vodnom suglasnošću se utvrđuje da je dokumentacija priložena uz zahtjev za izdavanje vodne suglasnosti izrađena u skladu sa prethodnom vodnom suglasnošću i propisima o vodama, to je, u konkretnom slučaju, ovaj organ pokrenuo postupak u predmetnoj stvari.

U podnesenom zahtjevu je, između ostaloga, navedeno da je naprijed navedena prethodna vodna suglasnost bila sastavni dio dokumentacije u postupku izdavanja urbanističke suglasnosti, da je pokrenut postupak legalizacije izgrađenih objekata regionalnog odlagališta čvrstog otpada Uborak – Buđevci u Vrapčićima, a temeljem Odluke Skupštine HNK od 10.11.2015. godine, te je, shodno navedenom, zatražena konačna vodna suglasnost na „Izmjene i dopune Glavnog projekta odlagališta čvrstog otpada Uborak – Buđevci u Vrapčićima“.

Uvidom u dostavljenu dokumentaciju, te „Izveštaj o kontroli tehničke dokumentacije“ izrađen od strane „PROJEKT“ a.d. Banja Luka broj:2457/12 od 19.11.2012. godine utvrđeni su određeni nedostaci u pogledu iste, a koje je neophodno otkloniti kako bi ovaj organ mogao nastaviti započeti postupak.

Naime, u skladu s odredbama čl. 8. Pravilnika o sadržaju, obliku, uvjetima i načinu izdavanja i čuvanja vodnih akata („Sl. novine FBiH“ broj: 31/15), uz zahtjev za izdavanje vodne saglasnosti obavezno se dostavlja i kopija rješenja o izdavanju lokacijske dozvole/urbanističke suglasnosti. Kako je iz podnesenog zahtjeva vidljivo da je pokrenut postupak legalizacije objekata temeljem Odluke Skupštine HNK od 10.11.2015. godine, od strane podnositelja zahtjeva zatražena je kopija navedene odluke kao i kopija katastarskog plana sa ucrtanim objektom.

Nadalje, pregledom dostavljenog Izveštaja o kontroli tehničke dokumentacije utvrđeno je da je u dostavljenom Izveštaju navedeno da tehničku dokumentaciju, koja je predmet Izveštaja, čini Glavni projekat broj:7637/12 od 10/2012, izrađen od strane IPSA Institut d.o.o. Sarajevo. Međutim, projektna dokumentacija koja je dostavljena uz predmetni zahtjev za izdavanje vodne suglasnosti nosi naziv „IZMJENA I DOPUNA GLAVNOG PROJEKTA ODLAGALIŠTA ČVRSTOG ORPADA UBORAK MOSTAR“, bez broja odnosno šifre projektne dokumentacije, broj ugovora iste je 7637/12 oktobar 2012.

Stoga je od podnositelja zahtjeva zatraženo da predmetni zahtjev uredi odnosno dopuni i ovom organu dostavi dokaz o izvršenoj kontroli one projektne dokumentacije koja je dostavljena ovom organu. Također, kako je utvrđeno da dostavljeni Izveštaj ne sadrži popis primijenjenih propisa u odnosu na koje je izvršena kontrola projektne dokumentacije, od podnositelja zahtjeva je zatraženo da se isti dopuni i u pogledu primijenjenih propisa kao i u pogledu ispunjavanja uvjeta utvrđenih u prethodnoj vodnoj suglasnosti broj UP/40-1/25-2-31/13 od 18.03.2013. godine.

O naprijed navedenim nedostacima podnositelj predmetnog zahtjeva je obaviješten dopisom ovoga organa broj UP/40-1/25-3-159/15 od 21.12.2015.g. i pozvan da predmetni zahtjev dopuni.

Dana 22.12.2015.g., pred ovaj organ je pristupila, u svojstvu zakonskog zastupnika podnositelja predmetnog zahtjeva, zamjenica javnog pravobranitelja Grada Mostara, kojom prilikom je precizirala predmetni zahtjev na način da je istim zatraženo izdavanje vodne suglasnosti na dio složene građevine Regionalne deponije Uborak, te se obvezala, za potrebe sprovođenja ovog postupka, predmetni podnesak dopuniti i ovom organu dostaviti sljedeće:

- izvod iz prostorno planske dokumentacije sa uvjetima gradnje složene građevine,
- projektnu dokumentaciju koja se odnosi na dio složene građevine koji je predmet zahtjeva.

O navedenom je, od strane ovoga organa, sačinjena službena zabilješka.

Postupajući u skladu s traženim, podnositelj zahtjeva je, dana 22.12.2015.g., predmetni zahtjev dopunio i dostavio sljedeće:

- Kopiju Službene zabilješke broj UPI-09-03-25-63/15 od 01.12.2015.g. (Ministarstvo graditeljstva i prostornog uređenja HNK) o izmjeni zahtjeva u zahtjev za izdavanje načelnog odobrenja za gradnju složene građevine-Regionalna deponija krutog otpada u Mostaru, i to Faza I i Faza II,
- Kopiju zahtjeva za izdavanje rješenja o legalizaciji izgrađenih objekata, Faza I složene građevine “Regionalna deponija krutog otpada” u Mostaru, zaprimljenog kod Ministarstva graditeljstva i prostornog uređenja HNK),
- Kopiju Izvoda iz: Izmjene i dopune prostornog plana općine Mostar, Grad Mostar – Urbano područje Mostara, Namjena površina, Uborak – režim građenja RIII, M 1:10000 (Grad Mostar, Odjela za urbanizam i građenje, Služba za urbanističko planiranje, broj UpI-07/2-25-6761/11 od 07.12.2015.g.) sa Urbanističko-tehničkim uvjetima za gradnju složene građevine – regionalna deponija krutog otpada, Faza I i Faza II,
- Kopiju Odluke o postupku i uvjetima za utvrđivanje statusa građevina iz nadležnosti Kantona izgrađenih bez pravomoćnog odobrenja za gradnju (“Sl. Novine HNK”, broj 9/15) i
- Izveštaj o kontroli tehničke dokumentacije (izradioc: „Projekt“ a.d. Banja Luka, broj:2457/12 od 24.12.2015. godine).

Razmatrajući dokumentaciju dostavljenu po pozivima za dopunu ovoga organa od 21.12.2015.g. i dostavljenu ovom organu 22.12.2015.g. utvrđeno je sljedeće: na temelju Službene zabilješke broj UPI-09-03-25-63/15 od 01.12.2015.g. utvrđeno je da se, kod organa nadležnog za izdavanje odobrenja za gradnju, vodi postupak po zahtjevu za izdavanje načelnog odobrenja za gradnju složene građevine-Regionalna deponija krutog otpada u Mostaru, i to Faza I i Faza II.

Nadalje je utvrđeno da je za Fazu I kod nadležnog organa pokrenut postupak za izdavanje rješenja o legalizaciji izgrađenih objekata, Faza I složene građevine "Regionalna deponija krutog otpada" u Mostaru i da se na Fazu I odnosi sljedeća projektna dokumentacija:

Izmjena i dopuna Glavnog projekta odlagališta čvrstog otpada "Uborak" Mostar,

- Knjiga 5 – Upravna zgrada,
 - Knjiga 6A – Tijelo deponije,
 - Knjiga 6C – Hidrantska mreža,
 - Knjiga 7 – Objekat za reciklažu – Elektroinstalacije,
 - Knjiga 7A – Objekat za reciklažu – Arhitektura,
 - Knjiga 7B – Objekat za reciklažu – Konstrukcija,
 - Knjiga 7C – Objekat za reciklažu – Hidrotehnika,
 - Knjiga 8D – Objekat administracije, portirnica, radionica, mokri čvor, kućica za dezinfekciju, nadstrešnica i mobilna naftna pumpa, kućica uz vagu sa nadstrešnicom – Elektroinstalacije,
- izradio: „IPSA Institut“ d.o.o. Sarajevo, bez oznake, oktobar 2012.g., broj ugovora: 7637/12).

Također je utvrđeno da se dio projektne dokumentacije koja je dostavljena ovom organu odnosi na Fazu II predmetne složene građevine (laguna za procjedne vode deponije, povrat filtrata iz lagune na deponiju, uređaj za tretman filtrata, postrojenje za pročišćavanje procjednih voda), i to:

Izmjena i dopuna Glavnog projekta odlagališta čvrstog otpada Uborak – Mostar“,

- Knjiga 1 - Opšti dio;
- Knjiga 2 – Regulacija vodotoka Sušica od km 0+000 – 1+599,07;
- Knjiga 3 – Regulacija vodotoka Sušica od km 1+599,07 – 2+656,28, Izmještanje vodotoka Sušica;
- Knjiga 4A – Ulazno-izlazna zona – Arhitektura;
- Knjiga 4B – Ulazno-izlazna zona - Saobraćaj;
- Knjiga 4C – Ulazno-izlazna zona - Vodovod i kanalizacija;
- Knjiga 6B – Tretman filtrate (laguna);
- Knjiga 8A – Izmještanje dalekovoda DV 10 kV Institut – Predionica na lokalitetu gradske komunalne deponije Uborak u Mostaru;
- Knjiga 8B- Limeno montažna transformatorska stanica LMTS 1 (20)/0,4 kV Uborak III – Mostar;
- Knjiga 8C – Niskonaponski razvod i vanjska rasvjeta odlagališta čvrstog otpada Uborak;
- sve izrađeno od strane „IPSA Institut“ d.o.o. Sarajevo, bez oznake, oktobar 2012.g., broj ugovora: 7637/12),

Stoga, shodno odredbama čl. 114. st.2. Zakona o vodama FBiH, projektna dokumentacija koja je dostavljena ovom organu, a koja se odnosi na Fazu II predmetne složene građevine, nije mogla biti predmetom ove vodne suglasnosti.

U ispitnom postupku koji je prethodio donošenju ovog rješenja, u skladu s odredbama čl. 7. Pravilnika o sadržaju, obliku, uvjetima i načinu izdavanja i čuvanja vodnih akata, od strane stručnih osoba Agencije, izvršen je uvid u dostavljenu dokumentaciju u cilju utvrđivanja da li je dostavljena projektna dokumentacija, navedena u točki 1. ovoga rješenja, izrađena u skladu s Prethodnom vodnom suglasnošću br. UP/40-1/25-2-31/13 od 18.03.2013. g. (Agencija za vodno područje Jadranskog mora Mostar) i propisima o vodama, o čemu je sačinjeno i stručno mišljenje od 23.12.2015.g.

Uzimajući u obzir naprijed navedeno, a shodno odredbama članka 114. Zakona o vodama („Sl.novine FBiH“ broj:70/06) i članka 10. Pravilnika o sadržaju, obliku, uvjetima i načinu izdavanja i čuvanja vodnih akata („Sl.novine FBiH“ broj: 31/15), riješeno je kao u dispozitivu rješenja.

Upravnu pristojbu, prema Zakonu o federalnim upravnim pristojbama („Sl.novine FBiH“ broj: 6/98,8/00,43/13), podnositelj zahtjeva je uplatio u korist Računa javnih prihoda federalnog proračuna.

POUKA O PRAVNOM LIJEKU:

Protiv ovog rješenja može se izjaviti žalba Federalnom ministarstvu poljoprivrede, vodoprivrede i šumarstva u Sarajevu, u roku od 15 dana od dana prijema ovog rješenja. Žalba se podnosi neposredno pismeno, usmeno na zapisnik ili preporučeno putem pošte, ovom organu, i na istu se plaća pristojba u iznosu od 15,00 KM, prema tarifnom broju 3. Tarife federalnih upravnih pristojbi.

M.P.



Dostaviti:

1. Podnosiocu zahtjeva (2x)
2. AVP: ISV, Vodna knjiga
3. Federalna uprava za inspekcije –
Vodna inspekcija
4. a/a

S obzirom, da trenutno nije poznata nova lokacija za uspostavu nove regionalne deponije za područje regije Mostara, te da još uvijek nije ni urađena Studija izvodljivosti za izgradnju nove regionalne deponije koja bi odredila adekvatnu i prihvatljivu lokaciju, realizacija svih predviđenih aktivnosti na sanaciji i zatvaranju regionalne deponije Uborak - Buđevci u roku od 3 (tri) je malo vjerovatna, gotovo pa nemoguće.

Na osnovu navedenog razloga, predmetnim Planom prilagođavanja/prilagodbe dato je i alternativno rješenje (scenarij 2), a sve u cilju da se otpad koji će nastajati na području regije adekvatno i sanitarno odlaže sve do trenutka iznalaska boljeg rješenja za dato područje.

Prema navedenim podacima zaključuje se sljedeće:

- za scenarij 1 neophodno je predvidjeti plohu/plohe koje će imati kapacitet da prihvataju otpad u naredne 3 (tri) godine. Ukupno potrebni kapacitet za period odlaganja od 2021. do 2024. godine iznosi 163.313,60 m³.
- za scenarij 2 neophodno je predvidjeti plohu/plohe koje će imati kapacitet da prihvataju otpad u narednih minimalno 5 (pet) godine. Ukupno potrebni kapacitet za period odlaganja od 2021. do 2026. godine iznosi 272.189,40 m³. Ukoliko bude potrebno odlagati duže od pet godina planiranje će se vršiti na osnovu godišnjeg kapaciteta.

Lokacije koje su odabrane za planiranje odlaganja budućih količina otpada su:

1. Lokacija pored postojeće plohe iz faze 1 (2,1 ha) gdje se ista planira proširiti sa istočne i sjeverne strane u širini od cca 10m, a prije lokacije ucjevljenja potoka Sušica i
2. Lokacija koja je definisana u Izmjenama i dopunama prostornog plana općine Mostara - Grad Mostar pod nazivom Uborak za buduće proširenje. Dakle, radi se o lokaciji trenutnog iskopa inertnog materijala (parcela označena kao k.č. 707/1) – FAZA 4 koja se nalazi južno u odnosu na staru deponiju Uborak i u njenom južnom produžetku na susjedne parcele označene kao k.č. 714, 715, 716, 721, 722, 723, 727, 728, 729, 730/1, 730/2, 740/2, 741, 742, 784, 790,792 i 793/2 -FAZA 5.


Detaljan opis planiranih radova sa tlocrnim prikazima površina ploha namjenjenih za buduće odlaganje dato je u narednim poglavljima.

Za sanaciju i zatvaranje regionalne deponije Uborak-Buđevci u Mostaru potrebno je uraditi niz mjera i aktivnosti koje osiguravaju kvalitetno i sigurno funkcioniranje deponije, a sve u skladu sa važećom regulativom BiH i Evropske unije.

Cilj plana prilagođavanja/prilagodbe je sanirati, zatvoriti deponiju na način da se sav stari otpad trajno izolira od okoliša te izvršiti rekultivaciju područja lokacije deponije.

U tom smislu, Planom prilagođavanja/prilagodbe se preporučuje se fazna provedba sljedećih mjera:

- Sanacija i zatvaranje postojeće deponije (ploha iz faze I - 2,1ha i ploha iz faze II - 0,85ha) na način da se sav stari otpad izolira od okoline,
- Izgradnja i uspostava postrojenja za pročišćavanje procjednih voda,



Slika 16. Prostor koji je predviđen za dodatno proširenje

2.6. Zona deponovanja

Samu zonu čine uređeni prostor za deponovanje (odlaganje) otpada, te ostali građevinski i hidrograđevinski objekti kao što su: obodni nasipi, interne saobraćajnice, sistem za prikupljanje i tretman filtrata i dr.


Tehnološki gledano poslovi u zoni deponovanja se mogu razdvojiti u tri grupe i to:

- priprema prostora deponije za deponovanje otpada,
- tehnologija deponovanja i
- zatvaranje deponije i uspostavljanje monitoring sistema.



Slika 1 – Lokacija deponije

JP Deponija raspolaže ukupno sa cca 12 ha rezerviranog prostora za izgradnju, a postojeća Okolišna dozvola se odnosi na sve objekte na tom prostoru čija je namjena omogućiti pravilan rad pri sanitarnom odlaganju komunalnog otpada. U objekte spadaju i tijela deponije krutog komunalnog otpada koja trenutno, u ovoj fazi ukupne izgradnje, zauzimaju dvije površine za odlaganje otpada: prva površina od cca 2,1 ha (FAZA I) i druga od cca 0,85 ha prostora za odlaganje (FAZA II).



Slika 2 – Faze odlaganja otpada